

Zugunpegen kom itxofill mapu mogen chuchi nielu ka genkülelu chi txipache ñi üy mew, ti kom mogen mülechi mince mapu.

- Müley tañi ramtungeael pu mapuche petu tañi gügemun ka petu tañi netugenun petu tañi tewfükangenun ti kom mogen mülelu wente mapu ka minche mapu.
- Müley tañi küme inazuamgeael ka ñi küme chillkatugeael ti txokiñ azkülelu tañi wezalkagenuael ka tañi tefükagenuael ti kom mapu mogen.
- Müley tañi elungeael ka ta mi wewael ran ti pu lof mapuche tañi txipale ñi mapuche.
- Müley tañi kulligeael kam weza fill azkamu tañi weza femün mew chuchi tutewfúwlu ti mapu mogen mew.

¿Chumal tami yamgeal tami mapu?

- Müley taiñ amuael tami zugal, chi #orporación Vacacional de) erechos indigenas (Conadi) pigelu taiñ duguael ka inkapewael ñi yemeael zugunpen zugu, ñi küme azkünuam tami mapu ka chumgechi tami mañuntugeal küme amule tami wirin chillka mapu.
- Ka müleyami tami kintuael chumgechi tami küme kimtukual tami inkayal tami mapu, fey, fey mew tamün azkünügeam ka tamün azunkangeam pepilkageam ñi küme wirintukuletual tami mapu.

Fey yamgenulimi, müley tami yeyael wirintuku zugu, welu wirin müleyami tami yeal feytichi txokin ingkawe oficina mew, fey mew tañi llowngepeyüin dungun pewundungu, tikekawün kainaramtun (OIRS) fey tichi txokin ingkawe meu tami ekuñmangenum tami txokiñ azmagen mapu ka tami lof müley tami yeael ka tukupuael tami zugu, feytichi ofisina meu ka müley tami küme wülpuael tami zugunpen zugu. Tami akunganun ka tami üpülmentugen, tami femaetew, tunten mew ka iney tami ekunuetew müley tami elael üy ka chew tami mülen chew lof mapu tami tuwün telefono feymu müley tami wiñolelugetuael llowzugun epu mari antü mew.

Ka müley tami zugunpewael kañ püle chew tañi ingkagepeyüm pu che, kake txokiñ zuguñpechefe oficina küzawpelu tüfachi zugunpen txokiñ zugu mew feymu müley tami yeael tami zugu, tami zugunpewün fey tichi corte de apelacionesmeu feymu müley tami pegelael tüfachi zugu petu ñi akunum küla mari antü. Eymi nielaytu kimche ley domo ka wentxugealu.



Kimeltuwün Chillka

Chumgechi ñi yamgeal Mapu koneñtulelu ti chi fill mollfün wüne akulu tüfachi mapu mew

Tüfachi wünelechi kiñekentu txoy chillka zewlu ka ti txokiñ mapu küme elugey tüfachi kakelu az txokin mogen niel pu mapuche mew, feyti wirintukulelu kiñe pataka kayu mari aylla mew (OIT) ka fey ti az zugun, kam kiñewün kam mogen che mülelu kake mapu, tañi nien mew kom mogen. Tüfachi küme felen chegen Chile mapu mew müley. Ka kamañ key tüfachi troy felen mew kiñe mari aylla waranka epu pataka kechu mari küla mew (19253) chi ley pigelu.

TKom taiñ chegen kageyiñ taiñ mogen ka taiñ az, welu kom nieyiñ txokiñ mogen taiñ chegen mew, ineynorume nielay taiñ üpülnentuaetew ka taiñ lllumümegeael taiñ niew mogen. Feymu ti wünen logkolelu müley taiñ eluateg küme felen, kamañnikalew ka taiñ ekuñmangeael kom taiñ txokiñ az mogen txürümkael tuntechi kuyfi mew ka müley tañi azkünael kom kümeke txokiñ felen taiñ kumelkaleael, taiñ niam ayiwün kom tüfachi trokiñ kiñewüm mogen mew.

Ti kom pu mapuche kimün mogey tañi kom nielchi kümeke mogen feymu trürümün mogey ñi kuyfi mülen chegen ñi nien troy mapu mogen ka itrofill mogen ke fey tufachi zugunpenielu kom kümeke admogen kuyfimu mew.

Tüfachi txokiñ azküme wugu elgey tañi kom lof mapuchegeam chuchi kishu mapuche txokiwkülelu, nielu kiñewün mapu tuwün, tañi nienmu küpalme tuwün kom tañi mongen meu anümüwkülelu tañi mapu mew, tüfachi fütxa mapu tunten chi fütxa kuyfi mew, petu ñi akunüm katxipa mogen che, tañi nienmu ñi kishumogen ka tañi kom kishu azümkan mogen ka tañi pu che nienmu tañi mapu üy.

Tüfachi txokiñ zugun kimfali kom mapuche lof mapu mew, tüfachi wirikonulu ti Conadi mew, chumgechi ñi feypilen ti txürüwüm txokiñ zugu, pataka kayu mari aylla mew, Fey ti txokiñ zugungey Chile mapu mew chumgechi tañi zewmagen.

YAMGEAL MAPU KONEÑTULELU TI CHI FILL MOLLFÜN WÜNE AKULU TUFACHI MAPU MEW

Ti kiñewün mogewgen pu mapuche tañi kom mapu mogengün fey ti newenküley tañi rumel yenieam tañi mapuche mogen. Feymu elelgey kiñe troy zungun tañi mapu mew. Tañi kichu mapuge mew, chew tañi mülemun fütxa kuyfi mew ka chew tañi wemümentugenmu. Tüfachi zugunpewün kom mapugen ka kom mogewe mülelu mapu mew ka mülelu üyechi minche mapu mew.

TUNTECHI YAMGEAL MAPU

- Tañi nielchi mapu feypiley, kishu nielchi mapu ka gegelu, kishen ka kom gegelu ti mapu mew.
- Ti az niel ka gürüfniel fey piley ti küme azküchelelu mapu chuchi ta mi txokintuniel.
- Tüfachi inkaniel chi mapu ka ti kom mapu mogen, mawida, ko, ka ti azlafken mogewe mülelu inaltulafken.

¿Chumgechi ingkangekey tüfachi kom mapu mogen pu mapu che mew?

Ti troi mupindunguwülpelu ingkam kom mapumongenmeu welu trurnunmu feytiche nielchi mapumülelu pu lofmapu chewen ka kimniel tañi ineyngenun ñi re felen ka femngechi müley ingkam tañi chumngenuael tüfachi mapu kangelu ka tripachengen kaukelelu ka femngechi ñi weda tufachi kuifi trokiñ mapu.

Inkangen kom mongen mülelu mapuche mapuchemeu.

- Ti küme azkümun kom mapu mogen tañi üñfikangenuel tañi rumel amulaeel ñi yallkülen chumgechi zuamyegafuy rume wewan ran nieam kume felen ka kume itxofill mogen kom mogen mew tüfachi zuamyepel chi kom mogepenyum, kiñe troy fey pilelu rumel zuamyepelchi lawen, challwawe, kamañwe kullin ganwe ketran, ka kom güllum mogenwe.
- Kanün ka azkümun chumgechi ñi küme zuamyengeael kamañnegeael ñi inkengeael ka rumel ñi müleam kom ti zuamyepel al mülelu mapuche mapu mew well mülelu nürükülelu kangelu günewünchemeu günenielu ti kom itxofill mogen ti füttrake mawiza mew.
- Müley tañi kimelgeael ka tañi nütramyegael kom txokiñ zugu, ti felen mogen (E.I.A) ñi trapümgeael fey tichi inaramtuwün mapuche mew. (zoy müley zugukagelu chillkamu).

